
4 SHTIMI I TË DHËNAVE PËRMBLEDHËSE PËR KOLEKSIONET E BIBLIOTEKËS (FUSHA 998)

Të dhënat në fushat 998 janë paraparë për regjistrimin e të dhënave përmbledhëse për koleksionet e bibliotekës. Një regjistrim bibliografik mund të ketë vetëm një fushë 998.

Në rastin e botimeve monografike, nuk duhet të shtoni fushat 998, porse të dhënat përmbledhëse për koleksionet e bibliotekës do të transferohen automatikisht në bazën e përbashkët të të dhënave bibliografike.

Në rastin e serialeve fushat 998 do të shtohen në mënyrë automatike (nga programi) në modulën e programit COBISS3/Serialet (gjatë parashtrimit të porosisë ose përmbylljes së listës së botimeve të paprositura), ndërsa më vonë, sipas nevojës këto të dhëna do t'i plotësoni dhe ndryshoni në mënyrë manuale, (shih kapitullin 4.2.1). Në mënyrë automatike do të futen këto të dhëna:

- treguesi i vendosjes në raft – vlera e parazgjedhur është në varësi nga parametrat në skedarin e konfigurimit,
- data e raportimit (a),
- kodi i institucionit – kodi (b),
- numri i kopjeve (c),
- treguesi i pasurimit (e) – i cili e merr vlerën (statusin) *serial aktualisht i porositur*,
- të dhënat e përgjithshme për koleksionet e bibliotekës (g) – elementi c merr vlerën 0,
- viti i botimit (k).

Nëse nuk e përdorni modulën e programit COBISS3/Serialet, fusha e re 998 do të shtohet në mënyrë automatike sa herë që shtoni fushën e parë 997. Në fushën 998 në mënyrë automatike shënohen këto të dhëna:

- kodi i institucionit – kodi (b),
- numri i kopjeve (c).

Fushën e re 998 duhet ta shtoni në mënyrë manuale vetëm në këto raste: kur për koleksionet e bibliotekës që nuk është në COBISS, raporton një bibliotekë tjetër, e cila është në sistem; ose kur koleksionet për këtë regjistrim biblioteka i

menaxhon në një sistem tjetër, jashtë COBISS-it; ose biblioteka udhëheq koleksionet e bibliotekës në një regjistrim tjetër në kuadër të COBIB-it.

Për koordinimin e pasurimit të serialeve të huaja, të dhënat duhet t'i futni në mënyrë manuale.

Nënkapitujt:

- Shtimi i fushës së re
- Futja e të dhënave
- Fshirja e fushës